



ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСІЙ КУНДАЛИК ГАЗЕТАСИ

№ 45 (12.106)

Баҳоси эркин нарҳда

ПОЙТАХТНИНГ БИР КУНИ

Ватан ҳимояси —
муқаддас бурч

**Пойтахтимизнинг
Олмазор туманида
Ўзбекистон
Республикаси
Миллий
хавфсизлик
хизмати чегара
қўшинларининг
бир гуруҳ ҳарбий
хизматчилари ва
уларнинг оила
аъзоларига янги
уйлар қалитлари
топирилди.**



ЧЕГАРАЧИЛАРГА — ЯНГИ УЙЛАР

Ўзбекистон Республикаси Қуролли Кучларини шакллантириш ва ривожлантиришнинг ҳозирги босқичида амалга оширилаётган ишлар миллий армиямизда жанговар тайёргарликни ошириш ва мамлакатимиз муҳофаза қобилиятини мустаҳкамлаш, унинг сиёсий ҳамда иқтисодий манфаатларини ҳимоя қилиш борасида янги, сифатли кўрсаткичларга эришишга қаратилган. Шу билан бирга, сўнгги вақтда давлатимиз томонидан Қуролли Кучларни социал жиҳатдан янада ривожлантириш, ҳарбий хизматчилар ва уларнинг оила аъзоларини ижтимоий муҳофаза қилиш даражасини ошириш масаласига катта эътибор қаратилмоқда.

Ўзбекистон Республикаси Президенти, Қуролли Кучлар Олий Бош Қўмондон Ислам Каримов Ўзбекистон Қуролли Кучларининг 20 йиллиги муносабати билан Ватан ҳимоячиларига байрам табригида ҳарбий хизматчиларни уй-жой билан таъминлаш, оқдид аскар, сержант ва офицерлар таркибининг ижтимоий-маиший, яшаш ва хизмат шaroитларини яхшилашга қаратилган давлат дастурларининг ўз вақтида ва тўлиқ амалга оширилиши бундан буён ҳам эътибор марказида бўлиб қолиши кераклигини таъкидлади.

Бугунги кунда мамлакатимизда Ватан ҳимоячиларини ижтимоий қўллаб-қувватлаш бўйича ишончли тизим шаклланди бўлиб, у ҳарбий хизматчилар ва уларнинг оила аъзолари муносиб ҳаёт кечиришини таъминлашга ёрдам бермоқда. Масалан, бугунги кунда ҳарбий хизматчиларни уй-жой билан таъминлаш соҳасидаги давлат сиёсати давлатимиз раҳбарининг 2007 йил 14 сентябрда

қабул қилинган «Ўзбекистон Республикаси Қуролли Кучлари ҳарбий хизматчиларини уй-жой билан таъминлаш тартиби тўғрисидаги Низомни тасдиқлаш ҳақида»ги Қарори, шунингдек, ҳарбий хизматчиларни уй-жой билан таъминлаш бўйича 2015 йилгача мўлжалланган Давлат дастурига мувофиқ амалга оширилмоқда.

Бундан ташқари, ҳарбийлашган идораларда Қуролли Кучлар сафида қамада ўн йил хизмат қилган ва янги шартнома тузган, уй-жой шaroитларини яхшилашга муҳтож ҳарбийларни қўллаб-қувватлаш амалиёти жорий этилган. Бунда ҳарбийлашган идора ҳарбий хизматчилар узоқ муддатли ипотека кредитларидан фойдаланган ҳолда уй-жой ёки уй қуриш учун ер участкаси сотиб олаётганда харид қилинаётган шу уй-жой қийматининг 25 фоизи миқдоридagi бошланғич бадални тўлаб беради.

Ҳарбий соҳа вакиллари ижтимоий муҳофаза қилиш борасида мустаҳкам тизимнинг яратилгани ва уларни шинам уй-жой билан таъминлаш ҳарбий хизматчилар ҳамда уларнинг оила аъзолари турмуш даражасини ошириш имконини бераётди. 2010-2011 йилларда Ўзбекистон Республикаси Миллий хавфсизлик хизмати чегара қўшинларининг 650 нафардан ортиқ ҳарбийлар оилалари барча қўлайликларга эга уй-жой билан таъминлангани бунга ёрқин мисол бўла олади. Мамлакатимиз сарҳадларининг 53 нафар ҳимоячиси оиласига янги 2 ва 3 хонали уйлар қалитларининг топирилиши ушбу йўналишдаги изчил ишларнинг давомидир.

Янги уй-жойлар қалитларини танта-нали топириш маросимида чегара қўшинлари қўмондони ўринбосари Ш.Назиров, Республика «Маҳалла» хайрия жамоат фонди раисининг ўринбосари Р.Шералиев, «Қамолот» ёшлар ижтимоий ҳаракати раисининг биринчи ўринбосари Ф.Муҳаммадҷонова ва бошқалар уларни ушбу қувончли воқеа билан табриқладилар. Мамлакатимизда Мустаҳкам оила йили деб эълон қилинган 2012 йилда қўлай ва шинам уй-жой шaroитларига эга бўлиш ҳарбий хизматчилар оилаларини янада мустаҳкамлашга, Ўзбекистон сарҳадларини қўриқлашдек масъулиятли вазифани шараф билан бажаришда чегарачилар учун ўзига хос омил бўлиб хизмат қилишини таъкидладилар.

Президентимиз Ислам Каримов ташаббуси билан мамлакатимизда Мустаҳкам оила йили деб эълон қилинган жорий йилда оилаларимизга янги уй қалитлари топирилганидан беҳад мамнунмиз, — дейди ЎзА мухбирига Ўзбекистон Республикаси Миллий хавфсизлик хизмати чегара қўшинлари ҳарбий хизматчиси, капитан Бахтиёр Туробов. — Биз буни мамлакатимиз Қуролли Кучлари сафида қилаётган содик хизматимиз эътирофи, энг катта мукофот сифатида қабул қиламиз. Бундай ғамхўрлик бизни ҳарбий қурилиш соҳасидаги илғор жаҳон тажрибасини ўзиде мужассам этган ва миллий анъаналаримизни кўз қорачигидек асраб-авайлаб келаётган, Ватанимиз хавфсизлигининг ишончли кафолати бўлган миллий армиямиз сафида бундан буён ҳам янада сидқидилдан хизмат қилишга ундайди.

С.ТОҶИБЕВ

ЎЗБЕКИСТОН РЕСПУБЛИКАСИ ОЛИЙ МАЖЛИСИ СЕНАТИДА

**Хабар қилинганидек, 2012 йил
2 март кунини Ўзбекистон
Республикаси Олий Мажлиси
Сенати Кенгашининг мажлиси
бўлиб ўтди.**

Кенгаш Ўзбекистон Республикаси Олий Мажлиси Сенатининг саккизинчи ялпи мажлисини шу йил 23-24 март кунлари Тошкент шаҳрида чақириб тўғрисида қарор қабул қилди.

Сенат ялпи мажлисининг кун тартибига сиёсий ва ижтимоий-иқтисодий ҳаётнинг барча соҳаларини изчил қайта ислоҳ қилиш ва либераллаштиришга қаратилган Ўзбекистон Республикасининг қатор қонунлари киритилмоқда. Улар қаторида «Тадбиркорлик фаолияти эркинлигининг кафолатлари тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги, «Кредит ахбороти алмашинуви тўғрисида»ги Ўзбекистон Республикаси Қонуни қабул қилинганлиги муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш ҳақида»ги қонунлар ҳамда Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясига мувофиқ ишлаб чиқилган тадбиркорлик фаолиятини янада қўллаб-қувватлаш ва ривожлантириш, давлат ҳокимияти ва бошқарувини демократлаштириш, суд-ҳуқуқ тизимини ислоҳ қилишни назарда тутувчи бошқа қатор қонунлар бор.

Шу билан бирга, Сенатнинг навбатдаги ялпи мажлисида Ўзбекистон Республикаси Конституциясининг 80-моддасига мувофиқ Ўзбекистон Республикаси прокуратура органларининг, Ўзбекистон Республикаси Хисоб палатасининг, Ўзбекистон Республикаси Олий Мажлиси Инсон ҳуқуқлари бўйича вакилининг (Омбудсманнинг), Ўзбекистон Республикаси Табиати муҳофаза қилиш давлат қўмитасининг 2011 йилдаги фаолияти тўғрисидаги ҳисоботларини муҳокама қилиш режалаштирилмоқда. Сенаторлар ялпи мажлисда Ўзбекистон Республикаси адлия вазирлигининг 2011 йилда давлат бошқаруви органлари, ҳуқуқни муҳофаза қилувчи органлар ва назорат тузилмалари томонидан қонунларнинг ижро этилиши ҳолати тўғрисидаги ахборотини қўриб чиқадилар.

Навбатдаги ялпи мажлисда, шунингдек, Ўзбекистон Республикаси Меҳнат ва аҳолини ижтимоий муҳофаза қилиш вазирлиги томонидан иш ўринлари ташкил этиш ва аҳоли бандлигини таъминлаш дастурининг ижро этилиши тўғрисидаги масала юзасидан парламент эшитувлари ўтказилиши режалаштирилмоқда.

Ялпи мажлисда Ўзбекистон Республикаси Олий Мажлиси Сенатининг ваколатига тааллуқли бошқа масалалар ҳам муҳокама қилинади.

**Ўзбекистон Республикаси
Олий Мажлиси Сенатининг
матбуот хизмати**



МАМЛАКАТИМИЗДА

• Қарши шаҳрида Қашқадарё вилоятидаги кичик ва хусусий корхоналарнинг саноат салоҳиятини кенгайтиришга бағишланган бизнес-форум бўлиб ўтди. Унда қашқадарёлик тадбиркорларга АҚШ, Германия, Жанубий Корея, Италия, Россия, Хитой, Япония, Ҳиндистон ва бошқа мамлакатлардан етказиб бериладиган қишлоқ хўжалиги маҳсулотларини сақлаш ва қайта ишлаш, қурилиш ва қурилиш индустрияси, енгил саноат, тиббиёт, ноширлик ва бошқа соҳаларни ривожлантириш учун зарур техника ва технологиялар ҳамда уларни кредит ва лизинг асосида олиш шартлари ҳақида кенг маълумотлар берилди.

• Жиззахда Наврўз умумхалқ байрамига бағишлаб ўтказилган «Баҳор тароналари» кўрик-танловининг вилоят босқичида ҳам фусункор баҳор фаслининг бутун таровати намойён бўлди. Халқимизнинг умрбоқий қадриятларидан бири бўлган Наврўзни мадҳ этиш, маданий меросимизни тарғиб қилиш, ёш ижодкорларни қўллаб-қувватлаш мақсадида Маданият ва спорт ишлари вазирлиги томонидан Юнус Ражабий номидаги вилоят мусиқали драма театрида ўтказилган мазкур тадбирда 200 нафардан зиёд истеъдод соҳиблари иштирок этди.

• Фарғона вилоятининг барча шаҳар ва туманларида спортчи қизларга Президент совғаси — спорт кийимлари топириш маросимлари бўлиб ўтмоқда. Қува маиший хизмат касб-хунар коллежида ўтказилган ана шундай тадбирда маҳаллий ҳокимлик вакиллари, спортчи қизлар, уларнинг ота-оналари иштирок этди.

• Самарқанд шаҳридаги «Сино» очик акциядорлик жамиятида аҳоли бандлигини таъминлаш, ёшлар, касб-хунар коллежлари битирувчиларини ишга жалб этиш мақсадида бўш иш ўринлари ярмаркаси ташкил этилди. Ярмаркада қатнашган аҳоли ва коллеж битирувчиларининг 100 нафарга яқини ўз мутахассисликлари бўйича ишга жойлашди.

ЖАҲОНДА

• Йил якунларига кўра Италиянинг давлат қарзи ялпи ички маҳсулотнинг 120,1 фоизига қадар ўсди. Таъкидлаш керакки, ушбу қарз ҳажми 1996 йилда қузелган рекорд даражадан фақат 0,1 фоизгина кам бўлиб ҳоло. Мамлакат иқтисодиётининг ўсиш даражаси эса йил якунларига кўра 0,4 фоизни ташкил этди.

• Шимолий Корея маъмурияти ядро қуроли синовдан ўтказилишига, узоқ масофага учувчи баллистик ракетага учирлишига ҳамда урanni бойитиш бўйича олиб борилаётган ишларга мораторий эълон қилишга рози эканлигини билдирди. Шунингдек, Йонбенадаги йирик ядро объектига МАГАТЭ инспекторларини киритишга рози бўлди. АҚШ эса бунинг эвазига КХДРга 240 минг тонна озиқ-овқат жўнатади.

• Американинг Индиана, Кентукки ва Огайо штатларига хуруж қилган торнадо қурбонлари сони 39 кишига етди. Ҳозирда жабрланганларни излаш ва қутқарув ишлари амалга оширилмоқда.

• Кеча Конго Республикасида амалга оширилган бир қатор портлашлар натижасида 200 га яқин киши ҳаётдан кўз юмди.

• Кеча Польша жанубида рўй берган темир йўл ҳалокати 16 кишининг ҳаётига зомин бўлди.

• Англия пойтахти Лондон шаҳрида Халқаро футбол ассоциациялари кенгаши (IFAB)нинг навбатдаги мажлиси бўлиб ўтди. Унда футбол қондаларига баъзи ўзгартиришлар киритиш масаласи муҳокама этилди.

• Аргентина пойтахти Буэнос-Айресда темир йўл ҳалокати рўй берди. Яъни, катта тезликда ҳаракатланаётган шаҳарлараро йўловчи поездининг издан чиқиб кетиши оқибатида 49 нафар йўловчи ҳалок бўлган, 600 дан зиёд киши тан жароҳати олган.

Президентимизнинг 2011 йилнинг асосий якунлари ва 2012 йилда Ўзбекистонни ижтимоий-иқтисодий ривожлантиришнинг устувор йўналишларига бағишланган Вазирлар Маҳкамаси мажлисидаги маърузасида таъкидланганидек, ўтган йили мамлакатимизда ялпи ички маҳсулотнинг ўсиш суръати, қутилганидек, 8,3 фоизни ташкил этди. Юртимиз иқтисодиётининг бундай барқарор ўсиш кўрсаткичи Халқаро валюта жамғармаси, Жаҳон банки, Осие тараққиёт банки каби нуфузли молия ташкилотлари томонидан юқсак баҳоланмоқда.

Истиқлол йилларида Президентимиз Ислам Каримов ташаббуси билан хусусий мулкчиликка кенг йўл очилгани, кичик бизнес ва хусусий тадбиркорликнинг ҳар томонлама қўллаб-қувватланаётгани бундай натижаларга эришишда муҳим омил бўлаётди. Зеро, юртимиз мустақиллигини қўлга киритган илк йилларда хусусий мулкнинг ялпи ички маҳсулот таркибидagi улуши бор-йўғи 1,5 фоизни ташкил этган бўлса, ҳозирги кунга келиб бу кўрсаткич 54 фоизга етди. Энг муҳими, аҳолининг асосий қисми мазкур соҳада иш билан банд бўлиб, фаровон турмуш кечирмоқда.

Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси асосида демократик бозор ислохотлари ва иқтисодиётни либераллаштириш жараёнлари янада чуқурлаштирилаётгани соҳа ривожига алоҳида аҳамият касб этаётди. Концепцияда илгари сурилган қонунчилик ташаббуслари бугунги кун талабига мос янги қонунлар қабул қилинишига, хусусий мулкдорлар

ХУСУСИЙ МУЛК КАФОЛАТЛАРИ МУСТАҲКАМЛАНМОҚДА

хуқуқлари кафолатлари янада мустаҳкамланишига йўл очмоқда.

Тошкент шаҳар ҳокимлигида Концепцияга мувофиқ ишлаб чиқилган «Хусусий мулкни ҳимоя қилиш ва мулкдорлар хуқуқларининг кафолатлари тўғрисида»ги Ўзбекистон Республикаси қонун лойиҳаси муҳокамасига бағишланган давра суҳбатида шулар ҳақида сўз юритилди. Ўзбекистон Республикаси Олий Мажлиси Қонунчилик палатасининг Бюджет ва иқтисодий ислохотлар қўмитаси, ЎзЛиДеП фракцияси, Давлат мулкни бошқариш давлат қўмитаси, Тошкент шаҳар ҳамда вилояти ҳокимликлари ҳамкорлигида ташкил этилган тадбирда депутатлар, экспертлар, хуқуқшунос олимлар, тегишли вазирлик ва

идораларнинг мутахассислари ҳамда тадбиркорлар иштирок этди.

Ўзбекистон Республикаси Олий Мажлиси Қонунчилик палатасининг Бюджет ва иқтисодий ислохотлар қўмитаси раисининг ўринбосари А.Долиев, Тошкент шаҳар ҳокимининг ўринбосари Ф.Зиёев ва бошқалар мамлакатимизда хусусий мулкнинг хуқуқ ва ҳимоясини мустаҳкамлашга қаратилган эътибор эл-юртимиз тараққиёти ва фаровонлигини таъминлашга хизмат қилаётганини таъкидлади. Ҳар бир мулкдор қонуний мулкнинг дахлсизлигини таъминлайдиган ишончли кафолатлар тизими эркин тадбиркорлик фаолиятига замин яратмоқда.

(Давоми 2-бетда)

ҚИСҚА САТРАЛДАР

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **БУГУН** 37-оилавий поликлиника давлатимиз раҳбарининг «Ўзбекистон мустақилликка эришиш осонасида» китобининг мазмун-моҳия

ятини оммага етказиш юзасидан давра суҳбати ташкил этилди.

✓ **МАЪНАВИЯТ** тарғибот маркази Юнусобод туман бўлими ҳамкорлигида Тошкент Молия институти қошидаги академик лицейда «Мустаҳкам оилада аёл шамчироқ» мав-

зуйда тадбир бўлиб ўтди.

✓ **БУГУН** Тошкент машинасозлик касб-хунар коллежида 8-март — Халқаро хотин-қизлар кунига бағишланган «Аёл борки, олам мунаввар» деб номланган байрам тадбири ташкил этилди.

✓ **МАЪНАВИЯТ** тарғибот маркази Олмазор тумани бўлими томонидан туман политехника касб-хунар коллежида баҳор ва муҳаббат куйчиси Зулфияхоним таваллуғига бағишланган маънавий-маърифий тадбир уюштирилди.

Фестиваллар

СОҒЛОМ АВЛОД — КЕЛАЖАК ТАЯНЧИ

Мамлакатимизда ёшларни жисмонан соғлом, ақлан етук тарзда вояга етказиш, иқтидор, қобилиятларини тўла намоеън этишлари учун зарур шарт-шароитларни яратиб бериш ва келажак эгаларини спортга кенг жалб этиш мақсадидида кўплаб самарали ишлар амалга ошириляётир.

Жумладан, «Юнусобод» спорт мажмуасида «Соғлом авлод учун» халқаро хайрия ва Болалар спортини ривожлантириш жамғармалари, Ўзбекистон Хотин-қизлар кўмитаси, Маданият ва спорт ишлари вазирлиги, «Сен ёлғиз эмасан» Республика болалар жамоатчилиги жамғармаси томонидан юртимизда болалар спортини ривожлантириш, ўсмирларни спортга кенгрок жалб қилиш ҳамда Мустаҳкам оила йили муносабати билан ўсмир қизлар ўртасида «Нафосат олами» широи остида «Соғлом авлод учун» кубоги учун Республика спорт фестивали мусобақалари ўтказилди.

Таъкидлаш жоизки, Юртбошимиз раҳнамолигида мамлакатимизда соғлом ва баркамол авлодни вояга етказишнинг муҳим воситаларидан бири сифатида спортни, айниқса, болалар спортини ривожлантиришга қаратиляётган алоҳида эътибор бу каби кўплаб тадбирларнинг республика, қолаверса, халқаро миқёсда ўтказилишига муҳим замин яратмоқда.

Мамлакатимизнинг ҳар бир ҳудудида барпо этилган замонавий, барча қулайликларни ўзида мужассамлаштирган спорт мажмуалари эса бу каби хайрли мақсадларга тўлақонли эришиш ҳамда йигит-қизларимизни ҳар томонлама соғлом ва бақувват вояга етказишда муҳим аҳамият касб этаётир.

«Мустаҳкам оила йили» Давлат дастури доирасида илк маротаба ташкил этилган мазкур фестивалда ҳам 300 нафардан зиёд гулгунчалар спортнинг бадий гимнастика,

спорт гимнастикаси, спорт рақси, сузиш, синхрон сузиш ва бошқа турлари бўйича ўз иқтидорларни намоеън этдилар.

Фестивалнинг очилиш маросимида сўзга чиққан Ўзбекистон Маданият ва спорт ишлари вазири Т. Кўзиев ва бошқалар юртимизда болалар спортини ривожлантириш, фарзандларимизни жисмонан ва маънан соғлом, мустаҳкам иродали, интеллектуал салоҳияти юксак инсонлар бўлиб етишишлари борасида кенг қўламли ишлар амалга ошириляётгани ҳақида алоҳида таъкидлаб ўтдилар.

Дарҳақиқат, бу каби фестиваллар ёш авлод вакиллари кизгин беллашувларга чорлаш баробарида улар ўртасида ўзаро дўстлик, ҳамжихатлик фазилатларини шакллантириш, тажриба алмашишларига айниқса, ўз маҳоратларини намоеън этишларига катта имконият яратаяди.

— Мусобақалар жуда кизгин ўтаётир, — дейди Олмазор туманидаги «Намуна» болалар спорт мажмуаси бадий гимнастика тўғараги мураббийси Азиза Мирзааҳмедова. — Мазкур спорт фестивалида олти нафар иқтидорли шогирдларим иштирок этмоқда. Бундай оммавий спорт беллашувларида қатнашиш ёшларда спортга бўлган қизиқишни оширибгина қолмай, улар қадди-қоматининг чиройли шаклланишида, келгусида соғлом она бўлиб, баркамол фарзандларни вояга етказишда жуда муҳим ўрин тутаяди, деб биламан.

Кизгин ва муросасиз баҳсларга бой тарзда ўтган мусобақалар якунида голиб ва совриндорларга ташкилотчиларнинг эсдалик совғлари топширилди.



Асқар ЁҚУБОВ (ЎзА) олган сурат

Фестивалнинг очилиш маросимида Ўзбекистон Республикаси Бош вазири ўринбосари, Хотин-қизлар кўмитаси раиси Элмира Боситхонова сўзга чиқди.

Садоқат АСЛАНОВА

Спорт янгилликлари

ЙИГИН ЯКУНИГА ЕТДИ

Маълумки, келгуси йили футбол бўйича ёшлар ўртасида ўтказиладиган Осиё чемпионати саралаш турнирида Ўзбекистон терма жамоаси Иордания, Яман, Бангладеш ва Непал терма жамоалари билан бир гуруҳда голиблик учун кураш олиб боради.

Ушбу нуфузли турнирга ҳозирлик кўриш мақсадида Алексей Евстафеев бош мураббийлигидаги Ўзбекистон ёшлар терма жамоаси бир неча кун давомида Ўзбекистон

тон футбол федерациясининг сунъий қопламали майдонида илк ўқув-йигин машғулотларини ўтказганидан муҳлисларнинг хабари бор албатта.

Йигин доирасида ёшлар терма жамоамиз Зарафшоннинг «Қизилқум» командаси билан назорат-ўртоқлик учрашувида куч синашиб, томонлар 2:2 ҳисобидаги ду-

ранг натижага рози бўлишгани ҳақида хабар бергандик.

Шунингдек, Алексей Евстафеев шогирдлари «Қизилқум» жамоаси билан ҳам куч синашибди. Деярли тенгма-тенг курашлар остида кечган баҳсда ёшлар терма жамоаси 0:1 ҳисобида имкониятни бой бериб қўйди. Шундай қилиб ёшларимиз учун ўзига хос маҳорат мактаби вазифасини ўтаган ўқув-йигин машғулотлари якунига етди.

Москва шаҳрида бадий гимнастика бўйича Гран-при мусобақасининг биринчи босқичи якунланди.

ГИМНАСТИКАЧИЛАРИМИЗ СОВРИНДОРЛАР САФИДА

Ўзбекистон маданият ва спорт ишлари вазирлиги матбуот хизматида маълум қилишларича, Зарина Курбонова, Ольга Кирякова, Екатерина Сафронова, Луиза Фаниева, Феруза Мўминова ҳамда Марта Растабуровадан иборат Ўзбекистон терма жамоаси нуфузли мусобақанинг гуруҳ баҳсларида кўпкураш бўйича учинчи ўринни эгаллаган.

Шунингдек, ушбу спорт анжумани доирасида ўсмирлар ўртасида ҳам халқаро турнир ташкил этилди. Мусобақада юртимиз шарафини ҳимоя қилган Равиля Фархутдинова булавада машқ бажариш бўйича учинчи ўринни эгаллади.

13 ёшли Равиля Москвадаги турнир олдидан Эстониянинг Тарту шаҳрида ўтган халқаро мусобақада ҳам муваффақиятли қатнашган эди. У яқаликлар ўртасида тўп билан машқ бажаришда олтин, тасма ҳамда булава ўйнатишда бир жуфт кумуш медални қўлга киритди. Шунингдек, мазкур мусобақада 12 ёшли Зулфия Йўлдошеванинг тасма ёрдамида бажарган композицияси ҳакамлар томонидан юқори баҳоланиб, у кумуш медал билан тақдирланди.

Зоҳир ТОШХЎЖАЕВ, ЎзА шарҳловчиси

ЭЪТИРОЗ ИНОБАТГА ОЛИНМАДИ

Халқаро футбол уюшмаси — ФИФА Ўзбекистон миллий терма жамоаси аъзолари Сервер Жепаров, Вагиз Галиулин, Санжар Турсунов, Шавкат Муллажонов, Ислам Тўхтаҳўжаевларни, шунингдек, Ўзбекистон футбол федерациясини моддий жаримага тортганди.

Албатта бунга жаҳон чемпионати саралаш турнири учинчи босқичидаги Ўзбекистон — Тожикистон терма жамоалари ўртасида кечган гуруҳ баҳсида футболчиларимиз томонидан қўлга киритилган сариқ карточкалар сабаб бўлганди. Шу муносабат билан Ўзбекистон футбол федерацияси раҳбарияти томонидан норозилик апелляцияси ФИФАга тақдим этилганди. Ушбу масалани қайта кўриб чиққан Халқаро футбол уюшмаси апелляцияга ўз муносабатини билдирди. Унга кўра ФИФА қарори ўз кучида қолди.

Ўзбекистон Республикаси Соғлиқни сақлаш вазирлиги, «Соғлом авлод учун» халқаро хайрия жамғармаси ва Германиянинг «Фриденсдорф Интернейшнл» халқаро ташкилоти ўртасида уч томонлама ҳамкорлик битими имзоланган эди. Унга кўра терининг куйиш асоратлари, тугма лаб-танглай ва оёғида нуқсонли бор болалар Германиядаги нуфузли тиббий муассасаларда даволанмоқдалар.

Жамоат ташкилотлари фаолиятдан

ҲАМКОРЛИК ДАВОМ ЭТАДИ

2002 йилдан буён 200 нафардан ортиқ ўзбекистонлик болалар ҳамкорлик битими асосида клиникаларда соғлиқларини тиклашга муваффақ бўлдилар. Шунингдек, ушбу халқаро ташкилотнинг грант маблағи ҳисобига қисқа вақт ичида республика бўйича 430 нафар тугма лаб-танглай, оёқ ва қийшиқ бўйин нуқсонлари билан 15 ёшгача бўлган болаларда жарроҳлик операциялари муваффақиятли ўтказилди.

Куни кеча эса Тошкент халқаро аэропортида Германия Федератив Республикаси клиникаларида даволаниб қайтган яна бир гуруҳ ўзбекистонлик болалар кутиб олинди.

— «Фриденсдорф Интернейшнл» халқаро ташкилоти гранти маблағи ҳисобига 2011 йилда республикамиз бўйича 250 нафар тугма лаб-танглай нуқсонли жисмонан имконияти чекланган болаларнинг жарроҳлик йўли билан саломатликларини тикланди, дейди «Соғлом авлод учун» халқаро хайрия жамғар-

Футбол муҳлисларига маълумки, 14 март куни «Лондон — 2012» йўлланмаси учун саралаш турнири учинчи босқичи гуруҳларида сўнгги тур беллашувлари бўлиб ўтади.

БАҲСЛАР БИР ВАҚТДА БОШЛАНАДИ

Унда бир қатор қизиқарли учрашувлар билан бирга, ёзги Олимпиада ўйинларига борадиган олимпия терма жамоаларининг номи аниқланади. «В» гуруҳида БАА, Ироқ, Австралия олимпия терма жамоаларига қарши голиблик учун кураш олиб бораётган Вадим Абрамов шогирдлари шу куни Тошкентда гуруҳ пешқадами БАА олимпиячиларини қабул қилишади. Шуни таъкидлашни истардики, араблардан уч очкога ортда қолаётган олимпиячиларимизни ҳар қандай ҳисобдаги галаба қониқтиради.

Айни пайтда «А» гуруҳида Жанубий Корея олимпия терма жамоа-

си «Лондон — 2012» йўлланмасини қўлга киритган. «В» гуруҳида эса ягона йўлланма эгаси ҳали номаълум. Қолган гуруҳда ҳам вазият чигал. Чунки «С» гуруҳида «Лондон — 2012» йўлланмасини Япония қўлга киритади ёки Сурия олимпиячиларими? Бу саволларга сўнгги турда жавоб олиш мумкин. Шунинг учун ҳам сўнгги тур баҳслари бир вақтда ўтказиладиган бўлди.

Биз эса Ўзбекистон олимпия терма жамоасига БАА олимпиячиларига қарши кечадагидан муросасиз баҳсда омад тилаймиз.

Акбар ЙЎЛДОШЕВ

масининг ижрочи директори Н. Мўминов. Бугун эса 1998-2001 йилларда туғилган Тошкент, Самарқанд, Бухоро вилоятларида истиқомат қилувчи даволаниб қайтган болалар кутиб олинди.

— Болалигимда ўнг оёғим жуда кўп оғрирди. Ёшлигим сабабли эътибор қилмаганман, ота-онам ҳам ўз юмушлари билан бўлиб вақтида қарамаганлар. Натижада оёғим қийшиқ ўсиб, ногирон бўлиб қолдим, — дейди Баҳром Абдуллаев. — 2011 йили август ойида Германияга даволаниш умидида «Соғлом авлод учун» жамғармасининг дастури асосида жўнаб кетдик. Мана бугун бир неча юртдошларим билан соғ-саломат Ватанимизга қайтдик. Мен сингари ёшларнинг соғлом келажаги, нурафшон эртаси учун ғамхўрлик кўрсатаётган давлатимизга, Соғлиқни сақлаш вазирлигига, жамғармага ва Германия клиникаларида фаолият олиб бораётган мутахассис шифокорларга тенгдошларим номидан миннатдорчилик билдириб қоламан.

Куни кеча яна 7 нафар бемор болалар Германия клиникаларида даволаниш учун жамғарма вакиллари ҳамроҳлигида жўнаб кетишди. Улар Германияда олти ойдан уч йил муддатгача даврда соғлиқларини тиклайдилар.


Гулчеҳра ДҮРДИЕВА

«Шайхонтоҳур тумани ҳокимлиги томонидан 2008 йил 25 августда № 002819-09 рақамли рўйхатдан ўтказилган Шайхонтоҳур тумани, Шайхонтоҳур кўчаси, 10-уйда жойлашган «KINGSTON INVEST» шўъба корхонаси (ИНН: 300920216) № 01/03-2012 сонли буйруққа асосан тугатилди.

Эътирозлар эълон чиққан кундан бошлаб 2 ой давомида Шайхонтоҳур кўчаси 10-уй манзили бўйича қабул қилинади.

Тел: 482-71-46

Яккасарой туман тиббиёт бирлашмаси — Марказий кўптармоқли поликлиника маъмурияти Яккасарой ТТБ-КМП Умумамалиёт шифокори бўлим мудири Хуршида Фатиховна Назаровага волида мухтарамаси Халима Саидовна ТОШМАТОВАНИНГ вафоти муносабати билан чуқур ҳамдардлик билдиради.



ҲИКМАТ — ДИЛ ЧИРОҒИ ТЎРТЛИКЛАР

Қор ёғса эрийди, қалб музламасин, Эшиқдан киролмай бахт бўзламасин.

Бахт кирса бағрингга маҳкамроқ босгин, Чикиб кетишга ҳеч йўл изламасин.

Сен мендан тонишга йўл ахтардинг кўп, Қатлимнинг қасдида кўл ахтардинг кўп.

Қисматким қаърига ўзингни тортди, Кўзни очар экан кўзга тушган чўп.

Қалам тутиш мумкин истаган одам, Барчага етади тоза қоғоз ҳам. Шеър шарбат, шоирлик шуҳрат деб билсанг,

Ҳеч қачон изимдан юрмагин, болам.

Оромни оқшомдан излайди одам, Тунни кутиб ётар кўршапалак ҳам, Кўршапалаксифат одамлардан кўрк, Улар тун-кун одам танимас, болам.

Сен кўнгил гулини арзонга сотма, Фафлат бешигида бек бўлиб ётма.

Ортингдан тош отса қоқилмагайсан, Ўзинг йўлдан чиққан тош бўлиб ётма.

Чирсиллаган чўғнинг жамоли ўзга, У билмас бир зумда айланар қулга. Шоирлар ўзига сигмайди деманг, Бир боғ торлик қилар ошиқ булбулга.

Ҳар жоннинг чашмаси фарзанд бўлади, Дил ичра нурли дил дилбанд бўлади.

Ўғлин эл алкаган ота-онанинг, Кўкси тоғлардан ҳам баланд бўлади.

Гул сўлса ҳазоннинг байрами бўлур, Дил тўлса киприкнинг шабнами бўлур, Қуриган ёғочнинг қулдаги вазни, Тугаган умрнинг мотами бўлур.

(Давоми бор) Маҳмуд ТОИР

ЎЗГИДРОМЕТ ХАБАР ҚИЛАДИ

10 даража илиқ бўлади. Ўзгидрометнинг мониторинг хизмати маълумотига кўра, 6 мартда Тошкент шаҳри об-ҳаво шароити ша-6 март куни ҳаво ўзгариб ҳар ҳаво муҳитида зарарли туради, куннинг иккинчи модаларнинг бироз тарқалиб кетишига имконият яратаяди. Атмосферанинг ифлосланиши даражаси 1-3 фоз па-сайиши тахмин қилинмоқда, ража совуқ, кундузи — 8- тамиқдори наст бўлади.